



P R E Z I D É N S I A
KONSELLU
MINISTRUS

VI GOVERNU KONSTITUSIONÁL

DÍLI, LORON 16 FULAN-DEZEMBRU TINAN 2016

KOMUNIKADU IMPRENSA

**Sorumutuk Estraordinária Konsellu Ministrus nian iha loron 16 fulan-dezembru
tinan 2016**

Konsellu Ministrus hala'o sorumutuk iha loron sesta ne'e no aprova ona **Rejime Jerál kona-ba Floresta sira**, ne'ebé apresenta husi Ministro Estadu, Koordenadór Asuntu Ekonomiku no Ministro Agrikultura no Peskas. Maske husi tinan 2003 to'o tinan 2010 hamutuk 17,5% husi área florestál maka lakon ona, liu-liu floresta primária, 58% husi nasaun ne'e sei tako ho floresta. Timor-Leste lokaliza iha zona ida iha biodiversidade signifikativu iha nível mundiál - koñesida ho naran Wallacea -, no atu mantein ida ne'e, maka presiza tebes jestau ida ne'ebé sustentavel kona-ba floresta sira. Maske Timor-Leste iha biodiversidade ida ne'ebé signifikativa iha nível mundiál, Planu Nasional kona-ba Kombate Degradasaun Rai identifika ona desflorestasaun hanesan kauza signifikativa ida mós, entre kauza sira seluk, ne'ebé hamosu erozaun no degradasaun basia idrográfica sira.

Sei iha área hanesan, Konsellu Ministrus mós aprova ona proposta rezolusaun kona-ba **Akordu Kriasaun Organizasaun Kooperasaun ba Floresta Aziática (AFOCO- Asian Forest Cooperation Organization) nian**. Ninja Objetivu maka atu hametin kooperasaun rejionál iha setór floresta sira nian hodibebe hasoru impaktu husi alterasaun klimática sira. Akordu ne'e nu'udar rezultadu husi diálogu kona-ba Kooperasaun Florestál entre Governu sira husi Estadu-Memburu ASEAN nian sira ho Repúbliga Koreia nian, no desizaun atu konvida Butaun, Kazakistaun, Mongólia no Timor-Leste hodi partisipa iha diálogu kona-ba kriasaun Orgainzasaun Kooperasaun nian ba Floresta Aziática.

Nu'udar rezultadu husi aprovasaun iha sorumutuk Konsellu Ministrus nian iha loron 9 fulan-marsu tinan 2016, maka halo ona apresentasaun kona-ba **Rejime Tranzisaun nian ba Kuadru sira husi Ministériu Negósius Estranjeirus no Kooperasaun (MNEK) ba Karreira Diplomática**, nu'udar hatuur ona iha Estatutu Karreira Diplomática. Ida ne'e hanesan rejime espesiál ida, iha Administrasaun Públika nia laran, no abranje funzionáriu Públiku MNEK nian lubun ida, ne'ebé hanaran funzionáriu diplomátiku. Iha diploma ne'e espesífika regra sira kona-ba tama, progresau no promosaun iha karreria ne'e.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

Ministru Planeamentu no Investimentu Estratéjiku, nu'udar Negosiadór Prinsipál ba **ketan-tasik sira**,
halo **pontu situasaun ida kona-ba pozisaun Timor-Leste nian** iha matéria ne'e.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608